

# Kaper

Blaf

Pa wa da wa...

Powiadło mama Jarkowi  
Swymu starszemu synowi  
Kup mi kapra na rynku  
Nie stawuj se do szinku  
Przed sklepem je raja ludzi  
U kierych eszće kaprów nima  
We wannie ani w laworze  
A nadowajóm: To je zima

Po dwóch godzinach czakanio  
Przijeżeli kóniecznie  
Uż se zdało, że na ty ryby  
Bedymy czakać wiecznie  
Z kadzie kapra do siciówki  
Zbyło mu pore korón  
Co mu wydali ze stówki  
Tóz stawil se na czaj i rum

W putyczisku zakurzónym  
Wisi kaper w siciówce  
Na stołku, no a nasz Jarek  
Przewraco półke po półce  
Z kamratami debatuje  
Przi piwu o robocie  
Babach, sportu, polityce  
A kaper tyn boroczek

Tropi, dusi sie w siciówce  
Skrzela pelne nikotynu  
Tyn co pić nie potrzebuje  
Mie tu uschnýć niecho w dymu  
Wywaluje smutne oczi  
Swoje wargi szpuli do O  
Tego co mie tu uwyndzil  
By za to wszecko mieli w ZOO  
Zawrzic miyndzy opicami  
Bo tam jego miejsce je  
Niedożijym jo se latoś  
Uż ani tej Wilije  
Wzpómniol se na złote czasy  
Na Trzebónskich rybnikach  
Ostatni roz chwestym chlasnył  
Jarek głowe uż mioł w snach

Stowej pulyr! Zawiyrómy!  
Kdo nie umiy, niech nie pije  
A zebier se tego kapra  
Beztak ón ci uż nie žije...

Tak z wieprzowiny jedli sznycle  
Na Wilije i zfukli świyce  
Olizaly se dwa kocury  
Jak wylazly z popielnice